

Akashvani, Sambalpur

SAMBALPURI NEWS EVENING BULLETIN

23 May 2024- 7.02 pm- 7.12 pm.

୧- ଦେଶର ୬ ନମ୍ବର ଆର ରାଜ୍ୟର ୩ ନମ୍ବର ଖେପ୍ ଭୋଟ୍ ଲାଗି ଆଏଜ୍ ଉପରବେଳା ସରଳା ପ୍ରଚାର ।

- ଇ ଖେପେ ସମ୍ବଲପୁର ସହେତେ ରାଜ୍ୟର ୬ ଟା ଲୋକସଭା ଆର ୪୭ ଟା ବିଧାନସଭା ଆସନ୍ ଲାଗି ଆଏବା ଶନିବାର ହେବା ଭୋଟ୍ ।

୨- ବିଜେପି ବରିଷ୍ଠ ନେତା ଆର ପ୍ରଧାନମନ୍ତ୍ରୀ ନରେନ୍ଦ୍ର ମୋଦୀ ନିର୍ବାଚନ୍ ପ୍ରଚାର ଲାଗି ଆଏବା ୨୯ ତାରିଖ୍ ଫେରଘାଏ ଆସୁଛନ୍ ଓଡ଼ିଶା ।

୩- କଟାମାଲ୍ ବିଧାନସଭା ଆସନ୍ର ୨ ଟା ବୁଥ୍ ନ ଫେରଘାଏ ନିଆଗଲା ଭୋଟ୍ ।

ଆଉର

୪- ଦେଶ୍ ବିଦେଶ୍ ନ ଆଏଜ୍ ପାଲିଡ୍ ହେଉଛେ ବୁଦ୍ଧ ପୂର୍ଣ୍ଣିମା ।

- ରାଏଜେ ପାଲନ୍ ହେଉଛେ ସନ୍ତୁକବି ଭୀମଭୋଇଙ୍କର ଜୟନ୍ତୀ ।

ଦେଶ- ଭୋଗ୍ ଆରବନ୍ଧୁ/ ସମ୍ବଲପୁର

ଦେଶର ୬ ନମ୍ବର ଖେପ୍ ଆଉ ରାଜ୍ୟର ୩ ନମ୍ବର ଖେପ୍‌ର ଭୋଗ୍ ଲାଗି ଆଏଜ ଉପର୍ବେଲା ପ୍ରଚାର କାମ୍ ସରିଛେ । ଇ ଖେପେ ଆଏବା ୨୫ ତାରିଖ୍ ଓଡ଼ିଶା ସହେତେ ଦେଶର ବିହାର, ହରିଆଣା, ଝାରଖଣ୍ଡ, ଉତ୍ତରପ୍ରଦେଶ୍, ପଶ୍ଚିମବଙ୍ଗ୍, ଦିଲ୍ଲୀ ଆର ଜମ୍ମୁ କଶ୍ମୀରର ୫୮ ଟା ଲୋକ୍‌ସଭା ଆସନ୍ ଲାଗି ଭୋଗ୍ ନିଆଯିବା । ସେନ୍ତା ଇ ଖେପେ ରାଜ୍ୟର ସମ୍ବଲପୁର, ଦେଙ୍କାନାଲ୍, କେନ୍ଦୁଝର, କଟକ୍, ଭୁବନେଶ୍ୱର ଆର ପୁରୀ ଲୋକ୍‌ସଭା ଆସନ୍ ଆର ହେତାର ଅଧୀନଥ୍ ଥିବା ୪୨ ଟା ବିଧାନସଭା ଆସନ୍ ଲାଗି ଭୋଗ୍ ହେବା । ଇ ଖେପେ ଓଡ଼ିଶା ନ ମୋଗ୍ ୯୪ ଲାଖ୍ ୪୮ ହଜାର ୫ ଶହ ୫୩ ଝନ୍ ଭୋଟର ନିଜର ମତାଧିକାର ସାବ୍ୟସ୍ତ୍ କରବେ । ସେମାନକର ଭିତ୍ରେ ୪୮ ଲାଖ୍ ୨୯ ହଜାର ୬ ଶହ ୬୦ ଝନ୍ ପୁରୁଷ ଆଉ ୪୬ ଲାଖ୍ ୧୭ ହଜାର ୬ ଶହ ୨ ଝନ୍ ମହିଳା ଭୋଟର ଅଛନ୍ । ସେନ୍ତା ୨ ଲାଖ୍ ୩୭ ହଜାର ଶହେ ୩୧ ଝନ୍ ୧୮ ନୁ ୧୯ ବଛର ବୟସର ଆଉ ୧୮ ଲାଖ୍ ୪୫ ହଜାର ୫ ଶହ ୩ ଝନ୍ ୨୦ ନୁ ୨୯ ବଛର ବୟସର ଭୋଟର ଅଛନ୍ । ଭୋଗ୍ ଗ୍ରହଣ୍ ଲାଗି ରାଏଜେ ୧୦ ହଜାର ୫ ଶହ ୧୫ ଟା ପୁଲିଂ ବୁଥ୍ କରାଯାଇଛେ । ୩ ନମ୍ବର ଖେପ୍ ଭୋଗ୍ ବାବ୍‌ଦେ ସୁର୍ନା ଦେଇକରି ରାଜ୍ୟ ମୁଖ୍ୟ ନିର୍ବାଚନ୍ ଅଧିକାରୀ ନିକୁଞ୍ଜ ବିହାରୀ ଧଳ କହିଛନ୍ ...

(ଭଏସ୍ ଓଭର-ନିକୁଞ୍ଜ ବିହାରୀ ଧଳ)

ରାଜନୈତିକ ଦଳ ପ୍ରଚାର

ଆରବନ୍ଧୁ/ କଟକ/ ସମ୍ବଲପୁର ସମ୍ବାଦଦାତା

ରାଏଜେ ୩ ନମ୍ବର ଖେପ୍ ଭୋଟ୍ ଲାଗି ଆଏଜ୍ ପ୍ରଚାର କାମ ସରକାର ଆଘୋନୁ ଭିନ୍ ଭିନ୍ ରାଜନୈତିକ ଦଳର ବରିଷ୍ଠ ନେତାମାନେ ଦଳୀୟ ପ୍ରାର୍ଥୀମାନଙ୍କର ଲାଗି ଜୋରଦାର ପ୍ରଚାର କରିଛନ୍ । ଭାରତୀୟ ଜନତା ପାର୍ଟିର ରାଷ୍ଟ୍ରୀୟ ଅଧ୍ୟକ୍ଷ ଜଗତ୍ ପ୍ରକାଶ୍ ନଡ୍ଡା କରଞ୍ଜିଆ, ଧାମ୍ନଗର, ବଡ଼ଚଣା ଆର୍ ଏରସମା ନ ନିର୍ବାଚନୀ ସଭା କରିଥିଲେ । ସେହା ଉତ୍ତରପ୍ରଦେଶ୍ ର ମୁଖ୍ୟମନ୍ତ୍ରୀ ଯୋଗୀ ଆଦିତ୍ୟ ନାଥ ଚିଲିକା ବିଧାନସଭା ଆସନ୍ ଆର୍ କେନ୍ଦ୍ରାପଡ଼ା ଲୋକସଭା ଆସନ୍ ଇଲାକାଥ୍ ଦଳୀୟ ପ୍ରାର୍ଥୀଙ୍କର ଲାଗି ପ୍ରଚାର କରିଥିଲେ । ଆସାମ୍ ର ମୁଖ୍ୟମନ୍ତ୍ରୀ ହିମନ୍ତ ବିଶ୍ୱଶର୍ମା - କେନ୍ଦ୍ରମନ୍ତ୍ରୀ ଧର୍ମେନ୍ଦ୍ର ପ୍ରଧାନଙ୍କର ସଙ୍ଗେ ଦେବଗଡ଼୍ ନ ରୋଡ଼୍ ସୋ କରିଥିଲେ । ସେଆଡ଼େ କଂଗ୍ରେସ୍ ବରିଷ୍ଠ ନେତା ପବନ୍ ଖେରା କଟକ୍ ନ ଦଳୀୟ ପ୍ରାର୍ଥୀଙ୍କର ଲାଗି ପ୍ରଚାର କରିଥିଲେ ।

ପ୍ରଧାନମନ୍ତ୍ରୀ - ଓଡ଼ିଶା ଗସ୍ତ

ଆରବନ୍ଧୁ/ ସମ୍ବଲପୁର

ବିଜେପିର ବରିଷ୍ଠ ନେତା ଆଉ ପ୍ରଧାନମନ୍ତ୍ରୀ ନରେନ୍ଦ୍ର ମୋଦୀ ଆସବା ୨୯ ତାରିଖ ଦିନ ଫେରଘାଏ ଓଡ଼ିଶା ଗସ୍ତ ଥିବା ଆସବେ ବଲି ରାଜ୍ୟ ବିଜେପି ନିର୍ବାଚନ ପ୍ରଭାରୀ ବିଜୟପାଲ ସିଂ ତୋମାର ସୂଚନା ଦେଇଛନ୍ତି । ପ୍ରଧାନମନ୍ତ୍ରୀ କେନ୍ଦ୍ରାପଡ଼ା ଆର ବାଲେଶ୍ଵର ନ ଦଲୀୟ ପ୍ରାର୍ଥୀମାନଙ୍କର ଲାଗି ପ୍ରଚାର କରବାର କାର୍ଯ୍ୟସୂଚୀ ରହିଛି । ସେନ୍ତା ବିଜେପିର ବରିଷ୍ଠ ନେତା ଆଉ କେନ୍ଦ୍ର ଗୃହମନ୍ତ୍ରୀ ଅମିତ୍ ଶାହା ଆସବା ୨୫ ତାରିଖ ଦିନ ଫେରଘାଏ ଓଡ଼ିଶା ଗସ୍ତ ନ ଆସିକରି ବାରିପଦା, ଚାନ୍ଦବାଲି, ନିମାପଡ଼ା ନ ଦଲୀୟ ପ୍ରାର୍ଥୀଙ୍କର ଲାଗି ପ୍ରଚାର କରବାର କାର୍ଯ୍ୟକ୍ରମ ରହିଛି ।

ସେଆଡ଼େ କଂଗ୍ରେସ୍ ଅଧକ୍ଷ ମଲ୍ଲିକାର୍ଜୁନ ଖଡ଼୍‌ଗେ ଆର ଦଲର ବରିଷ୍ଠ ନେତା ରାହୁଲ ଗାନ୍ଧୀ ଭିଲ ଦଲୀୟ ପ୍ରାର୍ଥୀଙ୍କର ପ୍ରଚାର ଲାଗି ଆସବା ହସ୍ତା ଓଡ଼ିଶା ଗସ୍ତ ନ ଆସବେ ବଲି ଜନାପଡ଼ିଛି ।

କଂଗାମାଲ୍ ଭୋଟ୍ ବୌଦ୍ଧ ସମାଦଦାତା

କନ୍ଧମାଲ୍ ଲୋକ୍‌ସଭା ଆସନ୍ ଅଧୀନ୍‌ଥି ଥିବା ବୌଦ୍ଧ ଜିଲ୍ଲା କଂଗାମାଲ୍ ବିଧାନସଭା ଆସନ୍‌ର ୨ ଟା ବୁଥ୍‌ଥି ଆସକ୍ ଫେରଘାଏ ଭୋଟ୍ ହେଇଛି । କଡ଼ା ସୁରକ୍ଷା ବନ୍ଦୋବସ୍ତ ଭିତ୍‌ରେ ସଖାଲର ୭ ବଜୁ କିରାସିରା ବୁଥ୍ ନମ୍ବର ୨୬

ଆର ମହେଶ୍ୱରପିଣ୍ଡା ବୁଥ ନମ୍ବର ୨୮ ଥି କନ୍ଧମାଲ୍
ଲୋକସଭା ଆର କଂଗମାଲ୍ ବିଧାନସଭା ଆସନ୍ ଲାଗି
ଭୋଟ୍ ହେଇଥିଲା । କିରାସିରା ବୁଥ ନମ୍ବର ୨୬ ଥି ୮୬
ପ୍ରତିଶତ୍ ଆର ମହେଶ୍ୱରପିଣ୍ଡା ବୁଥ ନମ୍ବର ୨୮ ଥି ୭୬
ପ୍ରତିଶତ୍ ମତଦାନ ହେଇଥିବାର ସୂଚନା ମିଳିଛି । ଇନ
ଜନେଇ ଦିଆଯାଇପାରେ ଯେ, ଗଲା ୨୦ ତାରିଖ୍ ଭୋଟ୍
ବେଳେ ଇ ଦୁହି ବୁଥ ନ ଅନିୟମିତତା ଅଭିଯୋଗ୍
ହେଇଥିଲା । ନିର୍ବାଚନ୍ ଆୟୋଗ୍‌ଙ୍କର ନିର୍ଦ୍ଦେଶ୍ ଅନୁସାରେ
ଦୁହିବୁଥ ନ ଆଏଜ୍ ଫେରଘାଏ ଭୋଟ୍ କରାଯାଇଥିଲା ।

ବୁଦ୍ଧ ପୂର୍ଣ୍ଣିମା ଆରବନ୍ଧୁ ସମ୍ବଲପୁର

ଆଏଜ୍ ବୁଦ୍ଧ ପୂର୍ଣ୍ଣିମା । ବୌଦ୍ଧ କିମ୍ବଦନ୍ତୀ ଅନୁସାରେ ଶ୍ରୀଷ୍ଟପୂର୍ବ
୬ ଶହ ୨୩ ଥି ଭଗବାନ ଗୌତମ ବୁଦ୍ଧ ବୈଶାଖ ମାସର
ପୂର୍ଣ୍ଣିମା ତିଥି ନ ନେପାଲ୍ ଦେଶର ଲୁମ୍ବିନୀ ଠାରେ ଜନମ୍
ହେଇଥିଲେ । ଇତାର୍ ସଙ୍ଗେ ଆଝିର୍ ଦିନେ ଗୌତମ ବୁଦ୍ଧ
ବୌଦ୍ଧତ୍ ପାଏବାର୍ ସଙ୍ଗେ ମୋକ୍ଷ ପାଇଥିଲେ । ଭଗବାନ
ବୁଦ୍ଧଙ୍କର ସାଧନାର୍ ସିଦ୍ଧିପ୍ରାପ୍ତି ଅଡ଼େଇ ହଜାର୍ ବଛରନ୍ତୁ
ଅଏତ୍‌କା ସମିଆ ହେବା ବଳି ଐତିହାସିକ ମାନେ କହେସନ୍ ।
ବୌଦ୍ଧ ଧର୍ମାବଲମ୍ବୀମାନେ ବଛରର ୧୨ ଟା ଯାକ ପୁନି
ମନଉଥିବାର୍ ବେଳେ ସେ ଭିତ୍‌ରୁ ବୈଶାଖ ପୁନି ସବୁନ୍ତୁ ଶ୍ରେଷ୍ଠ

ଆଏ । ଭାରତ୍, ନେପାଲ୍, ଭୃଗନ୍, ବର୍ମା, ଥାଇଲାଣ୍ଡ୍, ତିବ୍ବତ୍, ଚୀନ୍, ଭିଏତ୍ନାମ୍, ସିଙ୍ଗାପୁର, ଇଣ୍ଡୋନେସିଆ, ଶ୍ରୀଲଙ୍କା, ମଙ୍ଗୋଲିଆ, କାମ୍ବୋଡ଼ିଆ ବାଗିର୍ ଦେଶମାନଙ୍କେ ବୁଦ୍ଧ ପୂର୍ଣ୍ଣିମା ଗୁଚେ ବଡ଼ ପର୍ବ ଆଏ ।

ଗୌତମ ବୁଦ୍ଧଙ୍କର ସତ୍ୟ ଆଉ ଅହିଂସାର ବାର୍ତ୍ତାକେ ସାରା ପୁରଥ୍ ଗୁରୁତ୍ୱ ଦେଇଛେ । ରାଷ୍ଟ୍ରୀୟ ଆଉ ଆନ୍ତରାଷ୍ଟ୍ରୀୟ ସ୍ତରଥ୍ ଜୀବନ୍ଥ୍ ସୁଖ, ଶାନ୍ତି ଆର୍ ସମୃଦ୍ଧି ପାଏବାର୍ ଲାଗି ବୁଦ୍ଧ ଦର୍ଶନ୍ ଆର୍ ବୁଦ୍ଧଙ୍କର ବାଣୀକେ ଲୋକମାନେ ଗ୍ରହଣ୍ କରିଛନ୍ ।

ଇ ଅବ୍ସରେ ରାଷ୍ଟ୍ରପତି ଦ୍ରୌପଦୀ ମୁର୍ମୁ ଆର୍ ଉପରାଷ୍ଟ୍ରପତି ଜଗନ୍ନାଥ୍ ଧନଖଡ୍ ଦେଶ୍ବାସୀଙ୍କୁ ଶୁଭେଚ୍ଛା ଜନେଇଛନ୍ ।

ଭୀମଭୋଇ ଜୟନ୍ତୀ ବୌଦ୍ଧ/ସୁବର୍ଣ୍ଣପୁର/
ନୂଆପଡ଼ା/ସମ୍ବଲପୁର ସମ୍ବାଦଦାତା

ମହିମାଧର୍ମର ସାଧକ ଆର୍ ସନ୍ଥକବି ଭୀମଭୋଇଙ୍କର ଜୟନ୍ତୀ ଆଏଇ ପାଲିତ୍ ହେଉଛେ । ସୋନପୁର ଜିଲ୍ଲା ନ କବିଙ୍କର ଜନମ୍ ଗାଁ ଜଟାସିଂହା ଆର୍ ସମାଧି ପୀଠ ଖଲିଆପାଲି ନ କବିଙ୍କର କଠଉ ମନ୍ଦିର ଆର୍ ଶୂନ୍ୟ ସମାଧି ମନ୍ଦିର ନ ପୂଜାର୍ଚ୍ଚନା କରାଯାଇଛେ । ଇ ଅବ୍ସରେ ହେଇଥିବା ସଭାଥ୍ ତକ୍ତର ଦେବାଶିଷ ପାଣ୍ଡିଆ ଆର୍ ସୌରଭ ରଞ୍ଜନ ଖମାରୀ

ଭୀମଭୋଇଙ୍କର ଜୀବନ ଦର୍ଶନ, ସାହିତ୍ୟ ଆର ମହିମାଧର୍ମର ବିଚାର ଉପରେ ଆଲୋଚନା କରିଥିଲେ ।

ସମ୍ବଲପୁର ଜିଲ୍ଲାର ରେଡ଼ାଖୋଲ ନ ସଖାଲେ ଭୀମଭୋଇଙ୍କର ପ୍ରତିମୂର୍ତ୍ତିଥି ଭିନ୍ ଭିନ୍ ବର୍ଗର ଲୁକେ ମାଲ୍ୟାର୍ପଣ କରିଥିବାର ବେଳେ କନ୍ଧରା ନ ଥିବା ଭୀମଭୋଇ ସ୍ମୃତି ପୀଠ ନ ସନ୍ଧୁକବି ଭୀମଭୋଇ ଏକାଡେମୀ ତରଫୁ ଜୟନ୍ତୀ ସଭା ହେଇଥିଲା । ରେଡ଼ାଖୋଲ ନ ଭିଲ୍ ଭିନ୍ ଭିନ୍ ଅନୁଷ୍ଠାନ ତରଫୁ ଭୀମଭୋଇ ଜୟନ୍ତୀ ପାଲନ୍ କରାଯାଇଛେ । ସେନ୍ତା ସମ୍ବଲପୁରର ଓଡ଼ିଶା ସାଂସ୍କୃତିକ ସମାଜ ଭବନ୍ ଆର ବୁଢ଼ାରଜା ଭୀମଭୋଇ ନଗରର ଭୀମଭୋଇ ସାହିତ୍ୟ ସଂସଦ୍ ନ ଭିଲ୍ କବିଙ୍କର ଜୟନ୍ତୀ ସମାରୋହ ଆୟୋଜନ୍ କରାଯାଇଛେ ।

ବୌଦ୍ଧ ଜିଲ୍ଲା ବଳାସିଙ୍ଗା ମହିମା ଆଶ୍ରମ୍ ନ ମହିମା ବିକାଶ୍ ତରଫୁ ସଭାପତି ବିଭୂତି ଭୂଷଣ୍ ପ୍ରଧାନଙ୍କର ଅଧକ୍ଷତାଥି ଜୟନ୍ତୀ ସଭା ହେଇଥିଲା ।

ନୂଆପଡ଼ା ଜିଲ୍ଲା ସିନାପାଲି ନ ଗଙ୍ଗାଧର ସାରସ୍ୱତ ସମିତି ତରଫୁ ସଭାପତି ବୈଷ୍ଣବ ମେହେରଙ୍କର ଅଧକ୍ଷତାଥି ସନ୍ଧୁକବି ଭୀମଭୋଇଙ୍କର ଜୟନ୍ତୀ ସଭା ଆର କବିତା ପାଠ୍ ହେଇଥିଲା ।

ବୁଦ୍ଧ ଜୟନ୍ତୀ- ବୌଦ୍ଧ

ବୌଦ୍ଧ ସମ୍ବାଦଦାତା

ବୌଦ୍ଧ ଜିଲ୍ଲା ନ ଥିବାର ବୈଶାଖ ପୁନି ସାଙ୍ଗେ ବୁଦ୍ଧ ପୂର୍ଣ୍ଣିମା ପାଳିତ ହେଇଛି । ବୌଦ୍ଧ ସହର ନ ଥିବା ବୁଦ୍ଧ ବିହାର ସହେତେ ରାମଗଡ଼ ପଂଚାୟତର ପ୍ରଗଳ୍ଭପୁର ଆର ସାମ୍ବଲପୁର ପଂଚାୟତର ଶ୍ୟାମସୁନ୍ଦରପୁର ନ ଥିବା ବୌଦ୍ଧ ପୀଠମାନଙ୍କୁ ସଖାଲେ ଲୁକେ ପୂଜାପାଠ କରିଥିବାର ବେଳେ ଜୟନ୍ତୀ ଉତ୍ସବମାନ ଆୟୋଜନ କରାଯାଇଛି । ଲୁକେ ଘରେ ଘରେ ପିଠାପନା କରିକରି ଭଗବାନ ବୁଦ୍ଧଙ୍କର ଉଦ୍ଦେଶ୍ୟ ସମର୍ପଣ କରିଛନ୍ । ବୌଦ୍ଧ ସହରର ବାଘଗୁଡ଼ା ଛକ, ଜିଲ୍ଲାପାଳଙ୍କର କାର୍ଯ୍ୟାଳୟ ଆର ଏନ୍ଏସି କାର୍ଯ୍ୟାଳୟ ଆଉ ମାଧପୁର ଆର ମନମୁଣ୍ଡା ନ ଥିବା ଭଗବାନ ବୁଦ୍ଧଙ୍କର ପ୍ରତିମୂର୍ତ୍ତିର ପୂଜାର୍ଚ୍ଚନା କରାଯାଇଛି ।

ଆସାମ୍ ମୁଖ୍ୟମନ୍ତ୍ରୀ-ସମ୍ବଲପୁର ସମ୍ବଲପୁର ସମାଦଦାତା

ଆସାମ୍ ମୁଖ୍ୟମନ୍ତ୍ରୀ ହିମନ୍ତ ବିଶ୍ୱଶର୍ମା ସମ୍ବଲପୁର ଗଣ୍ଡ ନ ଆସିକରି ଥିବାର ସଖାଲେ ସମ୍ବଲପୁର ନ ମାଳର ଦର୍ଶନ କରିଥିଲେ ଉତ୍ତରୁ ନେଲସନ୍ ମଣ୍ଡେଲା ଛକ ନ ଥିବା ପ୍ରଖ୍ୟାତ ଅହମିତା କବି ଲକ୍ଷ୍ମୀନାଥ ବେଜବରୁଆଙ୍କର ସାଧନା ଗୃହ ବୁଲି ଦେଖିଥିଲେ । ତାଙ୍କର ସାଙ୍ଗେ କେନ୍ଦ୍ରମନ୍ତ୍ରୀ ଧର୍ମେନ୍ଦ୍ର ପ୍ରଧାନ ଭିଲ୍ ଥିଲେ ।

ଆଇଆଇଏମ୍ ସମ୍ବଲପୁର ସମ୍ବଲପୁର ସମାଦଦାତା

ଭାରତୀୟ ପ୍ରବନ୍ଧନ ସଂସ୍ଥାନ- ଆଇଆଇଏମ୍ ସମ୍ବଲପୁର ତରଫୁ
ଆଇସିଏସ୍‌ଏସ୍‌ଆର ସହଯୋଗ୍ୟ ସ୍ଵାଧୀନତା ସଂଗ୍ରାମର
ଅଜ୍ଞାତ ଦିଗ ଉପରେ ଜାତୀୟ ଆଲୋଚନାଚକ୍ର
ହେଇଯାଇଛି । ସମ୍ବଲପୁର ବିଶ୍ଵବିଦ୍ୟାଳୟର କୁଳପତି
ବିଧୁଭୂଷଣ ମିଶ୍ର ଆଲୋଚନାଚକ୍ରର ଉଦ୍ଘାଟନ
କରିଥିଲେ ।

ପାଣିପାଗ ଆର୍‌ଏନ୍‌ୟୁ/ କଟକ/ ସମ୍ବଲପୁର

ବଙ୍ଗୋପସାଗର ନ ହେଇଥିବା ଲଘୁଚାପ୍ ଆସବା କାଏଲ୍
ସଖାଲତକ୍ ଘନୀଭୂତ ହେଇକରି ଅବପାତ୍ୟ ପରିଣତ
ହେବା । ଶନିବାର ସଖାଲତକ୍ ହେତାର ପ୍ରଭାବ୍ୟ
ବାତ୍ୟାର ସମ୍ଭାବନା ରହିଛି ବଳି ଆଂଚଲିକ୍ ପାଣିପାଗ
ବିଭାଗ ତରଫୁ କୁହାଯାଇଛି । ହେଲେ ଓଡ଼ିଶା ନ ସମ୍ଭାବ୍ୟ
ବାତ୍ୟାର ଖାସ୍ ପ୍ରଭାବ୍ ନାହିଁ ପଡ଼େ ବଳି ଭୁବନେଶ୍ଵର
ଆଂଚଲିକ୍ ପାଣିପାଗ ବିଜ୍ଞାନ କେନ୍ଦ୍ର ନିର୍ଦ୍ଦେଶିକା କହିଛନ୍ ।
ପାଣିପାଗ ବିଭାଗର ସୂଚନା ଅନୁସାରେ ଆସବାକାଏଲ୍
ସଖାଲତକ୍ ପଶ୍ଚିମ ଓଡ଼ିଶାର ସୁନ୍ଦରଗଡ଼୍ ସହେତେ ରାଜ୍ୟର
କେତେ ଜିଲ୍ଲାର ଗୁଡ଼େ କୁଡ଼େ ଜାଗା ନ ଧୁକାଗର୍ଡ଼ି ସାଙ୍ଗେ
ଚଡ଼କ୍ ମାରିପାରେ । ରାଏଜେ ଆସକ୍ ଦିନର ସବୁନୁ ଜହ
ତାତି ନୂଆପଡ଼ା ନ ୪୪ ତିଗ୍ରୀ ସେଲ୍‌ସିଅସ୍ ରେକର୍ଡ଼

କରାଯାଇଛି । ଇତାରୁଛଡ଼ା ଦିନର ସବୁନୁ ଜହ ତାତି ପଶ୍ଚିମ ଓଡ଼ିଶାର ବଲାଙ୍ଗିର ନ ୪୩, ବୌଦ୍ଧ ନ ୪୨, ଭବାନୀପାର୍ବତୀ ନ ୪୦ ଦଶମିକ୍ ୫ ଆର ସୋନପୁର ନ ୪୦ ଦଶମିକ୍ ୩ ତିଗ୍ରୀ ସେଲ୍‌ସିଅସ୍ ଥିଲା ।

ଦେବଗଡ଼ -ନିର୍ବାଚନ ପ୍ରଶିକ୍ଷଣ ଦେବଗଡ଼ ସମାଦଦାତା

ଦେବଗଡ଼ ଜିଲ୍ଲା ନ ଭୋର କାମ୍ପୁ ନିୟୋଜିତ୍ ସେକ୍ଟର ଅଫିସର ମାନକର ଶେଷ୍ ଖେପ୍ ପ୍ରଶିକ୍ଷଣ ଆଏଜ୍ ଜିଲ୍ଲା ପରିଷଦ୍ ସମ୍ମିଳନୀ କକ୍ଷ ନ ହେଇଯାଇଛି । ଜିଲ୍ଲାପାଲ୍ ଆର ଜିଲ୍ଲା ନିର୍ବାଚନ ଅଧିକାରୀ ସୋମେଶ୍ କୁମାର୍ ଉପାଧ୍ୟକ୍ଷକର ଅଧକ୍ଷତାଥ୍ ହେଇଥିବା କାର୍ଯ୍ୟକ୍ରମ୍ ୪୧ ଝନ୍ ସେକ୍ଟର ଅଫିସର ଭାଗ୍ ନେଇଥିଲେ ।